

Sikuki Nuuk Harbour A/S
Niueqateqarnermi piumasaqaatit
1. juli 2022-miit atuutilersut



Aqqusinersuaq 48A, P.O. Box 4102
3900 Nuuk Greenland
CVR: 12706952



Tlf - Phone: +299 31 40 30
Vagt - Emergency: +299 48 64 37



sikuki@sikuki.gl
www.sikuki.gl

1. AALLARNIUT.....	3
1.1. Tamanut atuuttut	3
1.2. Umiarsualivimmi kiffartuussissutitut akiliutit.....	3
1.3. Tulannissamik kiffartuunneqarnissamillu inniminniinerit.....	3
1.4. Umiarsualivimmik atuinnermut Namminersorlutik Oqartussanut akileraarut.....	4
2. AKILIINISSAMUT PIUMASARISAT NALIMMASSAANERILLU	4
2.1 Akiliutit ukiumoortumik nalimmassarneqartarneri.....	4
3. UMIARSUARNUT NIOQQUTISSANULLU ATATILLUGU ATUISUTUT AKIGITITAT.....	5
3.1. Umiarsuit atuisut akiligassaarut – Umiarsuarnut akiliut aamma isumaqatigiissuteqarnikkut	5
3.2. Nioqqutissanut atatillugu atuisutut akiligassaarut- Nioqqutissanut akiliut	6
3.3. Paasissutissanik tunniussineq.....	7
4. IMEQ.....	8
5. INNAALLAGISSAMIK PILERSUINEQ	8
6. KIFFARTUUSSINERIT ALLAT.....	9
7. UMIARSUARNIT IGITASSAT.....	10
7.1. Inatsisit najoqqutarineqartut il.il.....	10
7.2. Taaguusiussat/Nassuiaatit.....	11
7.3. Aalajangersakkat tamanut atuuttut	11
7.4. Eqqagassat pillugit nalunaarutiginninneq	12
7.5. Eqqagassat ilaannut immikkut aalajangersakkat	12
7.6. Akisussaaneq	14
7.7. Kiffartuunneqarnissamik noqqaanerit saaffiginninnerillu.....	14
8. INISSIIVISSANIK ATTARTORTITSINEQ AAMMALU ASSARTUKKANIK INISSIIGALLARNERIT IL.IL	15
8.1. Aalajangersakkat tamanut atuuttut	15
8.2. Assartukkanik nunaminertanut inissiinerit.....	15
8.3. Attartortitsinermit nunaminertanullu inissiigallarnermit il.il. immikkut piumasaqaatit	15
8.4. Nunaminertanik inissiiviusinnaasunik attartortitsineq	16
9. INISSIIVISSIANIK NUNAMINERTANIK SALIINEQ.....	17
9.1 Nunaminertanik saliineq	17
9.2. Akisussaaffik	17
9.3. Nakkutilliineq.....	17
10. AKISUSSAANEQ AKISUSSAANERMULLU KILLILIUSSAT	18

1. AALLARNIUT

1.1. Tamanut atuuttut

Sikuki Nuuk Harbour A/S-ip pigisaanik inissiivissanik atuinernut, tulattarfinnik allanillu atuinernut atatillugu kiffartuunneqarnermullu akiliutinik atuisut akiliisinneqassapput Naalakkersuisunit (Namminersorlutik Oqartussat) tamatigut akuersissutigineqarsimasut tunngavigalugit.

Nuup umiarsualiviani tamakkiisumik pissutsit, toqqammaviusut, akisussaaneq, kinguneqartitsisinnaaneq il.il. oqartussaataitanermut aalajangersakkat Sikuki Nuuk Harbour A/S-imi ileqqorissaarnissamut aalajangersagaataani, tamatigut Naalakkersuisunit (Namminersorlutik Oqartussat) akuerineqarsimasuni takuneqarsinnaapput, soorlu aamma nalunaarutit inatsisillu atuuttut makku innersuunneqarsinnaasut:

SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-imeersoq

Nuummi umiarsualivimmi sanaartornissamut ingerlatsinissamullu akuersissut 30. juni 2015-imeersoq

Umiarsualivinni malittarisassaqaqtitsineq pillugu Namminersornerullutik Oqartussat nalunaarutaat nr. 1, 4. januari 2000-imeersoq

Umiarsualiviit pillugit Inatsisartut inatsisaat nr. 9, 3. juni 2015-imeersoq

Immakkut angallatit angallatikullu umiarsualivinniittut peerneqartarnerat pillugu Inatsisartut inatsisaat nr. 43, 23. november 2017-imeersoq

Umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarut pillugit Namminersornerullutik Oqartussat nalunaarutaat nr. 5, 7. marts 2003-meersoq

Atuinermut akit allannguutaat tamatigut Naalakkersuisunit akuerineqarsimasassapput. Akinik allannguinertit siumoortumik nalunaaruteqaqqaarani pisinnaapput.

1.2. Umiarsualivimmi kiffartuussissutitut akiliutit

Tulannermut, usilersornermut/usingiarnermut aammalu umiarsualivimmi inissanik atuinernut atatillugu umiarsuit akiligassinneqassapput, nioqqutissanut ilaasunullu atatillugu akiligassiisoqassalluni aammalu eqqagassanik isumaginninnermut, inissamik atuinermut, kiffartuussissutitut, soorlu innaallagissamut, imermut, pituttuinnermut il.il. atatillugu atuisumut akiligassiisoqassalluni.

1.3. Tulannissamik kiffartuunneqarnissamillu inniminniinerit

Umiarsualivimmi tulaffissamik apeqqutilliinerit aammalu Sikuki Nuuk Harbour A/S-ip kiffartuussinissaanik inniminniinerit uunga saaffiginninnikkut pissapput:

Mail: booking@sikuki.gl,
VHF kanal 12
Oqarasuaat: +299 31 40 30

1.4. Umiarsualivimmiinnermut Namminersorlutik Oqartussanut akileraarut

Sikuki Nuuk Harbour A/S Akileraartarnermut Aqutsisoqarfimmiit Namminersorlutik Oqartussat sinnerlugit piunaffigineqarpoq Umiarsualivimmiinnermut akileraarut isertinniassallugu, Umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq aamma Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarut pillugit Namminersornerullutik Oqartussat nalunaarutaat nr. 5, 7. marts 2003-meersoq tunngavigalugit. Umiarsuarnut takornariartaatinut umiarsuarnullu allanut umiarsualivimmiinnermut akileraarut pillugu akuersinermut immersugassaq Akileraartarnermut Aqutsisoqarfiup nittartagaani uani aaneqarsinnaavoq [Havneafgifter \(aka.gl\)](#)

Maluginiaruk, akuersissummik nalunaarut akileraarummillu Sikuki Nuuk Harbour A/S-imut akilerneqartussaamat ullormi aallarfinni, inatsit nalunaarullu atuuttut tunngavigalugit.

2. AKILIINISSAMUT PIUMASARISAT NALIMMASSAANERILLU

Sikuki Nuuk Harbour A/S-imit akiligassiissutit akilerneqassapput ullut 14-it iluini, allatut isumaqatigiissuteqartoqarsimatinnagu. Qimmuisut qaavatigut akiligassinneqarlutillu ernialiffigineqassapput.

Betalingsfristen for ydelser hos Sikuki Nuuk Harbour A/S er 14 dage netto, medmindre andet er aftalt. Ved overskridelse af betalingsfrister beregnes gebyr og renter.

Akiliinissamut tuavisaarut:	kr. 100,00
Erniat:	1,5 % pr. qaammatit tamaasa

Korti akiliissut atorlugu akiliinermi kortip qanoq ittuunera apeqqutaatillugu angissusiliisoqartassaaq. Nalinginnaasumik aningaasanik tigussaasunik akiliiniarnerit tigujuaneqartassanngillat.

2.1 Akiliutit ukiumoortumik nalimmassarneqartarneri

Umiarsuarnut, nioqqutissanut, ilaasunut allatigullu kiffartuussinermut akigititat ukiumut 2 %-mik qaffarneqartarput.

3. UMIARSUARNUT NIOQQUTISSANULLU ATATILLUGU ATUISUTUT AKIGITITAT

3.1. Umiarsuit atuisut akiligassaar – umiarsuarnut akiliut aamma isumaqatigiissuteqarnikkut akiliut

3.1.1. Aalajangersakkat nalinginnaasut

Umiarsuarnut akiliutit

Umiarsuit angallatillu, containerinik, ilaasunik assartuutit, nunaqarfinnut umiarsuit, umiarsuit inuussutissarsiornermut atornerqartut, angallatit nuannaariutit, prammit allallu puttasut atornerqartartut, umiarsualivimmut tulannerminni akiliisassapput. Akiliisussaqaq tassaavoq umiarsuaq.

Umiarsuarmut akiliutissaq umiarsuup tamakkiisumik bruttotonsia (BT) tunngavigalugu naatsorsorneqassaaq tulannerillu tamaasa akeqassalluni

Kr. 1,10 BT-mut ataatsimut

Umiarsuarnit kisarsimasunit ilaasunut inuttanulluunniit ikaartaatit umiarsualivimmut umiarsualivimmiillu atuippata umiarsuup BT-a najoqqutaralugu akiligassiisoqassaaq, ikaartaatip angissusia apeqqutaatinngau.

Minnerpaamik 70 BT tunngavigalugu akiligassiisoqartassaaq umiarsuaq tamatuminnaga minnerugaluarpalluunniit. Umiarsuit 70 BT-mik anginerusut angissusertik naapertorlugu akiligassinneqartassapput.

Akilikkami ilaavoq ulluni sisamani tulaqqasinnaaneq. Ullut sisamat taaneqartut qaangerneqarpata taava døgnit aallartinneri tamaasa akiligassiisut naatsorsorneqartumik ingerlanneqartassaaq. Angallammik amoortaaneq imaluunniit allamut nuussineq uninnganertut ataatsit naatsorsuunneqassaaq, tassa nuutamik tulannertut/tikinnertut naatsorsuunneqassanani.

Ilaasortaanertut immikkut ittumik isumaqatigiissuteqarluni akiliut

Trawlerkajimi, Fiskerikajimi, Monteringskajimi Kutterkajimilu tulannaganerit ilaasortaanertut immikkut ittumik isumaqatigiissuteqarluni angallatit 70 BT ataallugu angissuseqartunut minnerpaamik ukiup affaanut kr. 9.937-ik akeqarpoq. Umiarsuarnut 70 BT-it annerusut akiligassinneqartassapput BT/70 x kr. 9.937 ukiup affaanut. Tulattarfinni allani sivilisunerusumik tulaqqanerni atuisut akiliut tunngavigalugu angissusiligaasumik akiligassinneqartassapput.

Sinerissap qanittuani aalisarneq

Aalisariutit sinerissap qanittuani aalisartut ilaasortaanermut immikkut ittumik isumaqatigiissuteqarluni akiliut annikillisaq atorlugu Trawler- aamma Fiskerikajimiinnissamut akiliisassapput minnerpaamik kr. 5.000 ukiup affaanut 70 BT ataallugu angissuseqarunik. Aalisariutit 70 BT qaangerlugu angissusillit akiliutigisassavaat BT/70 x kr. 5.000 ukiup affaanut.

Prammit

Prammit akiliutigisassavaat umiarsuarnut akiliutit pkt. 3.1.1.-imiittup 25 %-ia prammip BT-ia naatsorsuutigalugu.

Brug af Tidevandstrappe og Ponton

Majuartarfinnik uligussaasartumi Østre Vig-imiittumi Sissiukkamiluunniit puttasumik inuussutissarsiutigalugu angallatit ilaasunik ikisillutilluunniit niusinerannut angallammut ataatsimut kr. 3.312-it akiliutigineqassapput ukiup affaanut.

Allat

Kutterkajimut matuersaammik tunniussisoqarsinnaavoq depositum-imik akiliilluni. Matuersaatit tunniunneqartut allanut atukkiunneqarlutilluunniit tunniunneqaqqusaanngillat.

3.1.3. Umiarsuit atuisutut akiliisussaangitsitaasut

Umiarsuit atuisutut akiliisussaataangitsut makkuupput:

- A. Umiarsuit qallunaat oqartussaaffeqarfiinit pigineqartut taamatullu aamma nunanit allaneersut, ilaasunik assartugassanilluunniit angallaassissutaanngitsut. Tamannali atuukkunnaartinneqarsinnaavoq pineqartut sivisunerusumik tulaqqatillugit imaluunniit umiarsuit qaqqinneqartillugit ullut 21-it qaangerneqarpata ullut ilassutaalersut tunngavigalugit.
- B. Umiarsuit nakorsiaassineq peqqutigalugu tulattut, napparsimasunik niusisut, annassimasunik niusisut imaluunniit umiarsuit tamakkununga assingusunik pissuteqarlutik tulattariaqarnik aammalu akiliisussaataanngillattaq umiarsuit ajutoorsimasut, pujornera peqqutigalugu tulattariaqartut imaluunniit allatut sila peqqutigalugu umiarsualivimmut annanniartariaqarsimasut, kisiannili tulaqqanerat akunnernik 24-nik sivisunerusumik pissanngilaq.
- C. Angallatit nuannaariutit. Kisiannili tamanna taamaallaat akuerineqarluni aalajangersimasumik inissisimavissat avataani akunnerit 24-it tamanna atuuppoq.
- D. Umiarsuit aalisakkanik nutaanik, sikulersukkanik qalerualinnilluunniit tunisisussat, taamak iliorneq Østre Vig-imi, Trawlerkajimi aammalu Fiskerikajimi ingerlanneqarpata. Sivisunerpaamik nal. akunnerini sisamani.

3.2. Nioqqutissanut atatillugu atuisutut akiligassat – Nioqqutissanut akiliut

3.2.1. Malittarisassat nalinginnaasut

Nioqqutissat suulluunniit, usilersuunneqartut, usingiarneqartut imaluunniit allatut nunamut nioorarneqartut, imaluunniit itisilisani isumagineqartut, akiligassiissutigineqassapput.

Nioqqutissanut akiligassiissut akilerneqassaaq nioqqutissanik tigusisumit taamaanngippallu nioqqutissanik nassiussumit.

Akinik allannguisoqartillugu atuisumut akiligassaq naatsorsorneqassaaq ulloq usilersornermi usingiarnermiluunniit naammassiniffiusumi akit atuuttut najoqqutaralugit.

Atuisup	containerinut akiligassaa	Kr.	49/TEU	Usinut	ataasiakkaanut
	akiligassat	Kr.	13/ton	Aalisakkanut	qalerualinnullu
	akiligassat	Kr.	35/ton	Sioqqanut	ujaraaqqanullu
	akiliutissat	Kr.	13/m3		

Atuisup containerimut akiligassaa (TEU = tyve fods container)	Kr. 54,10/TEU
Usinut ataasiakkaanut akiliut	Kr. 14,35/ton
Aalisakkanut qalerualinnullu akiliut	Kr. 38,64/ton
Sioqqanut ujaraaqqanullu	Kr. 14,35/m3

Nioqqutissap suunera iluamik erseqqissarneqarsimatinnagu aki tassaassaa kr. 14,35/ton.

3.2.2. Nioqqutissanut atatillugu akiliinnnginnissami ilaatinneqarput

Nioqqutissat aalajangersimasut ilai akiliissutigineqartussaanngitsutut inissisimapput. Akiliinissamik pinngitsoortitsinissamat saaffiginnissut umiarsuup naalagaanit imaluunniit umiarsuarmik sullissisartumit saaffiginnissutigineqassaaq, tamannalu pissaaq usingiarneq imaluunniit usilersorneq pitinnagu.

Ataani allattorsimasut nioqqutissanik atuisup akiliinissaat avataani illutik akiliutigineqartussaanngillat:

- A. Containerit imaqqanngitsut, assartuinermi atorneqartut, taakku tunisassatut ingerlasussaanngippata.
- B. Taqussat allallu atortussat umiarsuup nammineq pisariaqartitai.
- C. Assartukkat, tulaqqanermi usilersuutigeqqinneqartut umiarsuarmut allamuunngitsoq suliareqqiinertaqqanngitsumik allatullu immikkut ittumik isumaginninnertaqqanngitsumik.
- D. Sinerissap qanittuani umiatsiaararsortunit kutterinillu aalisakkanik nutaanik aalisakkanik qalerualinnillu sikulersukkanik tunisat.

3.3. Paasissutissanik tunniussineq

3.3.1. Umiarsuarnut akiliutit

Umiarsuup naalagaa sinniisaaluunniit umiarsuaq pillugu paasissutissanik pisariaqartunik tunniussissaaq akiliutissanik naatsorsuinissanut akiligassanngortitsinernullu atugassanik aammalu akitsuusiinissanut atugassanik, tamanna pisussaassatillugu. Paasissutissiinermi ilanngullugit paasissutissiissutigineqassapput umiarsuaatileqatigiiffiup aqqa aamma/imaluunniit angallassinermi attartortup aqqa.

Tamanna piumasarineqartillugu umiarsuup sinniisaasulluunniit umiarsualivimmut paasissutissiissutigineqartut uppersaasarsussavai pappiaqqat attuumassuteqartut takutissorlugit sillimmasiinermut pappiaqqat ilanngullugit.

Umiarsuup naalagaata umiarsuarmulluunniit sinniisup ilanngullugu umiarsualivimmut nalunaarutigissavai statistikkilornermi paasissutissat pisariaqartut umiarsuaq pillugu paasissutissat, ilaasut usillu, angallassisutit usigineqartut, containerit il.il.

Paasissutissat piumasarineqartut umiarsualivimmeeriissapput kingusinnerpaamik umiarsuup tikinnerani.

3.3.2. Nioqqtissanut atatillugu atuisut akiligassaat:

Umiarsuup naalagaata sinniisaasulluunniit umiarsualivimmut paasissutissiineq tunngavigalugu umiarsuup usingiagassaatut usissaatulluunniit akiligassatut naatsorsukkat nalunaarutigissavai, tamannalu pissaaq u-miarsuup assartukkallu nalunaarutiginerani.

Tamanna piumasarineqartillugu umiarsuup naalagaata sinniisaasulluunniit umiarsualivimmut nalunaarutigineqartut uppersaasarsussavai saqqummiullugit usilersornermi usingiarnermiluunniit uppersaasarsussat oqimaassutsinut uppersaasatit, ilaasut allattorsimaffiat il.il.

Paasissutissat piumasarineqartut umiarsualivimmut tunniunneqareersimassapput umiarsuup aallarneraniit ullut arfineq pingasut qaangiutsinnagit imaluunniit angallassinerup naammassineranit, umiarsuaq tamatum kingorna umiarsualiivimmiiginnartussaappat. Taamaanngippat umiarsualivik annertussutsinik missiliuil-luni akiligassamik naatsorsuissaaq.

3.3.3. Umiarsualivimmiinnermut akileraarut Namminersorlutik Oqartussanut

Inatsit atuuttoq naapertorlugu umiarsuit umiarsualivimmiinnermut akileraarummik akiliisussaataitasut umiarsualivik qimatsinnagu uppersaasammik tunniussisimasussaapput umiarsualivimmiinnermullu akileraarut akilerlugu konto-mut Sikuki-p innersuutigisaanut. Uppersaasat Akileraartarnermut Aqutsisoqarfiup nittartagaani uani aaneqarsinnaavoq <https://aka.gl/da/Borger/BLANKETTER/Havneafgift>

4. IMEQ

Umiarsualivitoqqami Sikuki imermik tunniussisinnaavoq tamanna ajornartinnagu.

Imermik tunniussineq

Kr. 55,20/kbm.

Minnerpaamik akiligassaq

Kr. 304,00/pinerit tamaasa

Qeqertani imermik tunniussineq (Containerinik tikerartitsiviullunilu aallarartitsivik nutaaq) Royal Arctic Line A/S-mit isumagineqassaaq niueqateqarnermi piumasaqaataat tunngavigalugit. Akiligassaq toqqaannartumik RAL-imut akilerneqassaaq.

5. INNAALLAGISSAMIK PILERSUINEQ

Qeqertani innaallagissamik (Containerinik tikerartitsiviullunilu aallarartitsivik nutaaq) Royal Arctic Line A/S-imit isumagineqassaaq niueqateqarnermi piumasaqaataat tunngavigalugit. Akiligassaq toqqaannartumik RAL-imut akilerneqassaaq.

Talittarfiit sinnerini innaallagissamik tunisineq Sikuki-mit isumagineqassaaq, tamanna pisinnaagaangat.

Innaallagissap akia (kWh = kilowatt time)

Innaallagissap akia atuuttoq akitsuullu atuuttoq kWh-imut

Umiarsualiviup ammanerata nalaani atassusertinneq
Kutterkajimi kortimik pisineq

Kr. 276/pinerit tamaasa
Kr. 450/kortimut

Umiarsualiviup nalinginnaasumik ammasarfiisa avataatigut atassusertinneq, sivikinnerpaamik nal. akunneri sisamat, takuuk pkt. 6.7.1.

Sikuki ammatillugu Kutterkajimi aamma Puulukit Nuuanni el-kort-imik pisisoqarsinnaavoq. Taanna atuisusap pisariaqartitsinera naapertorlugu immerneqarsinnaavoq.

Innaallagissamut aki 25 %-imik akitsuuserneqassaaq pilersitsinermut aserfallatsaaliuinemullu matussutisatut.

6. KIFFARTUUSSINERIT ALLAT

6.1. Inuttassat/sulisut

Havneassistent, ulluinnarni nal. 08:00 - nal. 16:00 akornani

Kr. 496,84/nal. akunneri aallartitut tamaasa

Qimmuuttoornermi + 50 %.

Avataanit ikiortissarsiorneq sullissinermut akip qaavatigut 15 %-imik ilaneqassaaq.

Umiarsualiviup nalinginnaasumik ammasarfiisa avataatigut aggersaaneq, minnerpaamik nalunaaquttap akunneri sisamat.

6.2. Allunaatserineq, saliineq il.il.

Takuuk pkt. 6.1.

6.3. Angallammik ingiorteqarneq

Takoqquneqarpoq Kalaallit Nunaata imartaani ingiorneqarnermut atatillugu inatsisit atuuttut, Søfartsstyrelsen (Imarsiornermut Aqutsisoqarfik) naapertorlugu.

6.4. ISPS

ISPS-imi piumasaqaataasut naammassiniarnerini aningaasartuutit, soorlu tulannermi umiarsualivimmi ungaluukkorsornermut nakkutilliisoqarnermullu umiarsuarmut/umiarsuaatileqatigiiffimmut/sinniisorisamat akiligassiisutigineqassapput. Avataaniit kiffartuunneqaqqunermi akiligassap qaavatigut 15 %-imik akiligassiisoqassaaq.

Nakkutilliisooq Sikuki Nuuk Harbour-imit umiarsuup tulannissaa akunnermik affarmik sioqqullugu inniminnerneqartassaaq. Kinguaattoorluni tikinnermi/aallarnermiluunniit pilersaarutaasutut tikinnissaq (ETA)

nalunaaquttap akunneranik affarmik sioqqullugumiit aallarnej (ATD) nalunaaquttap akunneranik affarmik qaangerlugu nakkutilliisoqarnermut akiliisoqassaaq.

Umiarsuarmik takornariartaammik tikittoqartillugu IPSP-mik piareersineq Kr. 2.000 tikinneq ataaseq

Umiarsuarmik takornariartaammik tikittoqartillugu pinngitsoorani nakkutilliisoqartussaataitanermit Akiliut + 15 %

Isumannaallisaanerup qaffanneranut aningaasartuutit qullasissummik 1-mit qaffasinnerusumiittunut qinuteqarnerit ataasiakkaat tunngavigalugit akiligassanngortitsisoqassaaq qaavatigut 15 %-mik ilassusigaa-sumik.

6.5 Paasiniaasarfik

Umiarsualiviup paasiniaasarfiata saaffiginnittarfiinik, nerriviinik saqqummersitsiviinillu atuisinnaaneq Kr. 5.000 pr. sæson
(Takornarialerisut, sanaluttartut, tammajuitsuerniat il.il. kisimik)

6.6. Gummiged, ingerlatitsisoq ilanngullugu

Gummiged-imik, nivaatarsualimmik saligutitalimmik, aquttulimmik attartorneq Kr. 1.200/nal. ak.

6.7. Ikaartarfik

Umiarsuarmut ikaartarfimmik attartorneq, 12 m, inissinnera ilanngullugu Kr. 3.500/ullormut

7. UMIARSUARNIT IGITASSAT

Tiguisussanik erseqqissunik aaqqissuussinikkut Sikukip peqataaaffigiumavaa, avatangiisit eqqarsaatigillua-gaasumik mianerineqarnissaat umiarsuarmut eqqagassat isumannaatsumik isumagisassanngortinnerisigut. Anguniagaavoq umiarsuarnut tulattunut ajornanngitsuunissaa eqqagassat umiarsuarmut niuneqarnissaat. Taamatut iliorneq tunniussineruvoq immap avatangiisip mingutsaaliornissaanut iluaqutaasusaaq.

7.1. Inatsisit najoqqutarineqartut il.il.

Avatangiisit innarlitsaaliorneqarnissaanik pillugu Inatsisartut inatsisaat pillugu Namminersorlutik Oqartus-sat nalunaarutaat nr. 4, 17. februar 2022-meersoq.

Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq.

Kommuneqarfik Sermersuup inuussutissarsiortunit eqqakkat pillugit malittarisassai.

7.2. TAAGUUSIUSSAT/NASSUIAATIT

Umiarsuit atuisutut akilertagassat:

Umiarsuit nalinginnaasumik tulannermut akiliutigisartagaat. Eqqagassat arlaannik tigusermut akiliut nalinginnaasumik umiarsuarnut atuisutut akiliumut ilaavoq. Tamannalu taaneqartarpoq "No special fee" (NSF) (akiligassaanngitsoq).

Ingerlatsinermit atasumik eqqagassat:

Eqqagassanut sunulluunniit taaguut, aamma umiarsuup igaffianit igitassat, eqqagassat nalinginnaasut, puukut, imeq kuutsitsissut, uuliakoorutit, akuutissat allallu sinneruttut aamma lastimeersut pinngortartut umiarsuup ingerlanneqarneranut atatillugu. Maluginiaqquneqarpoq, ingerlatsinermit eqqagassat ilaannaat NSF-ip ataani akiligassaanngitsoq inissisimmata.

Lastimi sinnikut:

Lastimi tankiniluunniit sinnikut usingiaranerup kingorna saliinerup naammassineqarnerata kingorna piusut, taassuma ataani ilaatinneqarlutik lastimit sinnikut aammalu usilersuinermit usingiaanermilu nakkaasimasut. Lastinit sinnikuusutut aamma taaneqartarput kuutsitsinermit imeq atorneqarsimasoq aammalu makittaris-saatitut atorneqarsimasoq. Maluginiaqquneqarpoq, lastimit sinnikut NSF-ip ataanut inissinneqarsinnaanngimmata.

7.3 Aalajangersakkat tamanut atuuttut

Umiarsualivimmit tiguneqarsinnaapput ingerlatsinermit atatillugu igitassat makkuusut:

- A. Nalinginnaasumik igaffimmiillu igitassat (NSF takuuk pkt. 7.3.1.)
- B. igitassat uuliakoorummik akoqartut 50 liter inorlugit annertussuseqartutunder (NSF, takuuk pkt. 7.3.1)
- C. Uuliakoorutitallit 50 liter sinnerlugu (akiliisitsissutigalugu)
- D. Kuutsitsinermit imeq atorneqarsimasoq (akiliisitsissutigalugu)
- E. Akuutissat (taamaallaat isumaqatigiissuteqarnikkut akiliisitsinertaqartumik)

7.3.1 NSF-imik (No Special Fee) immikkut ittumik piomasagaatit

Umiarsuup igaffianit eqqagassanik tunniussinermit akiliut, nalinginnaasumik eqqagassat uuliamik akoqartut 50 liter inorlugit annertussusillit nalinginnaasumik umiarsuup atuisutut akiliutaata ataani ippit (NSF-imut ilaallutik).

Eqqagassat uuliakoornertallit 50 liter sinnerlugu annertussuseqartumik, imeq kuutsitsissut, lastimi sinnikut aammalu akuutissat NSF-imut inissinneqartartut, avataani ippit.

Umiarsualivik pinnaatitaavoq ataani taaneqartut tunngavigalugit immikkut akiliuteqartitsinissamut:

- A. NSF-itut igitassat tunniunniakkat imatut annertussuseqarpata, umiarsuup angissusia qanorlu ittunera eqqarsaatigalugu, kingullermik tulannermut atatillugu nalinginnaasumik eqqagassatut tunniunneqartartunit, annertunerullutik.

- B. Umiarsualiviup nalinginnaasumik ammasarfiata avataatigut eqqagassanik tunniussiniar-toqarpat.
- C. Umiarsuarnut atuisutut akiliut akilerneqanngippat.
- D. Umiarsuit takornariartaatit pineqartillugit.
- E. Eqqagassanik tiguseqqusineq pisimannngimmat pisusaaq akunnernik 24-nik sioqqullugu (takuuk imm. 6.4 eqqagassanik nalunaarutiginnissaq).

Sikuki Nuuk Harbour A/S nammineq containeriutiminik tankiutiminillu atugassisinnaavoq, NSF-itut tunniussassanut atorineqarsinnaasunik.

Uuliat uuliakoorutinillu akullit, NSF-itut tunniunneqartut, allanik akuutissanik akoqassanngillat, tankinullu immikkut atugassianut ikineqassallutik.

Immikkut akileeqqusisoqassaaq sullississutitut umiarsualivimmi akiutinneqartut nalinginnaasut malillugit.

7.4. Eqqagassat pillugit nalunaarutiginninneq

Umiarsuarmi naalagaasoq, umiarsualivimmut tulakkumasoq, eqqagassanik nalunaarutiginninnermi immersugassamik immersuissaaq, tassani allattorlugit nalunaarutigalugit eqqagassat tunniunniarneqartut suuneri annertussusiilu.

Nalunaarutiginninneq pineqartoq umiarsualivimmut tikinnissaq, taamallu tunniussinissaq, akunnernik 24-nik sioqqullugu.

Pisuni immikkut ittuni, akunnerit 24-it taaneqartut malinneqarsimasinnaatinnagit, umiarsualivik tigusinissamik akuerinnissinnaavoq, tigooqqaaneq aningaasartuutininik malitseqanngippat. Aningaasartuutininik malitseqartillugu umiarsualivik immikkut akiliinissamik piumasaqarsinnaavoq.

7.5. Eqqagassat ilaannut immikkut aalajangersakkat

7.5.1. Eqqagassat nalinginnaasut igaffimmeersullu

Eqqagassanik nalinginnaasunik igaffimmeersunillu, NFS-imi maleruagassat naapertorlugit tigusinerni atorineqassapput containerit eqqaavissiasut, taakkulu atorineqarsinnaasunngorlugit tulattarfimmut inissinneqartassapput. Containerit eqqaavigneqartut ulikkaartoortinnagit imaarneqartassapput. Containerit eqqaavissiaq ulikkaarneqarsimappat umiarsuit containerinut allanut innersuunneqassapput umiarsualiviullu allaffianut ulikkaarsimaneq nalunaarutigineqarluni. Igitassat containerip saniinnaanut ilineqaqqusaanngillat.

Containerit eqqaavissiasut umiarsualivimmiittut taamaallaat eqqagassanut nalinginnaasunut, igaffimmeersunut assigisaannullu (avatangiisinik ajoqusiisinaanngitsunut) atugassiaapput. Eqqagassat annerusukkaartut, pequtit, savimernit imaluunniit akuutissat suulluunniit containerinut nalinginnaasunut eqqaavissianut ikineqassanngillat. Akiliilluni saaffiginnissuteqarnikkut containerit eqqakkanut taaneqartunut atugassiat immikkoortut pissarsiarineqarsinnaapput.

Umiarsualiviup nalinginnaasumik ammasarfiisa nalaani, containerinik eqqaavissanik piniartoqarsinnaavoq, umiarsuup tulaffiata saneraanut inissinneqartussanik.

7.5.2. Uuliakoorutit allallu uuliakoorutininik akoqartut

Umiarsualivimmit eqqaavissatut inissinneqartunut uuliakoornerit ikineqarsinnaapput aammalu punnerutikut, maskinslopit assigisaallu 50 liter ataallugu annertussuseqartut, taamallu NFS-ip ataani inissisimasut.

Annertussutsit 50 liter qaangerlugu annertussuseqartut Kommuneqarfik Sermersuup ikuallaasarfianut tunniunneqartassapput.

Umiarsuaq nammineerluni biilimik milluuasartumik assigisaanilluunniit piniarsinnaavoq. SIKUKI-li pissarsiortinneqaruni kiffartuussinermi akiliutaasup qaavatigut 15 %-inik ilassusiissaaq.

Eqqagassat uuliakoornertallit, imermut akuliussinnaasut, taamallu uuliamik immikkoortitsiniarnermik ajornakusoortitsisartut, tiguneqartassanngillat.

Tankinit usisarfinniillu uulia millugunneqarsinnaanngitsoq (slopolie) il.il. nappartanut assigisaanulluunniit poorlugit tiguneqarsinnaatitaasut – immikkut akiligassiissutigineqartarput, ilanngullugit puuliusaasunik saliinerit aserorterinerilluunniit.

7.5.3. Imeq kuutsitsinermut atornikoq

Imeq kuutsitsinermut atorneqarsimasoq tulattarfimmi milluaatit atorlugit aaneqassaaq, tamannalu NFS-ip ataani inissisimannngilaq.

Umiarsuaq nammineq milluaasinnaasumik aggersaasinnaavoq. Sikukili inniminniisussaaitanngortinneqaruni sullissinermut akiliutip qaavatigut 15 %-inik ilassusiissaaq.

7.5.4. Akuutissat igitassat

Taamaattunik aatsaat isumaqatigiissuteqartoqarsimatillugu tiguisoqarsinnaavoq akiliisitsinertaqartumik.

Maluginiaqquneqarpoq akuutissat ilai tigujuananeqanngissinnaammata (takuuk pkt. 7.5.6.).

7.5.5. Lastimit sinnikut

Aatsaat isumaqatigiissuteqartoqarsimatillugu taamaattunik tiguisoqarsinnaavoq akiliisitsinertaqartumik.

Maluginiaqquneqarpoq akuutissat ilai tigujuananeqanngissinnaammata (takuuk pkt. 7.5.6.).

7.5.6. Aalajangersakkat allat

Uulia igitassaaq, imeq makittarissaatitut atorneqarsimasoq aammalu tankinik akuutissanik akoqartunik saliinerit ulorianassutsit tulleriiaarnerini 1 aamma 2-miissinnaasunik imaluunniit imermut akuliussimasinnaasunik tunngaveqartut tiguneqartassanngillat.

Suliffeqarfiit, angallatinik iluarsaasartut, imaatigut takornariartitsillutik angallassisartut aammalu suliffeqarfiit umiarsuarnut umiarsualivinnut pulaternermi ingiortaasartut, eqqagassat taaneqartutut ittut namminneq isumagisassavaat.

Suliffeqarfiit umiarsuarnik usingiaasartut imaluunniit uulianik akulinnik imerpalasunilluunniit ulorianar-tulinnik allanik eqqagassanik tigooqqaasartut, namminneq tigusinissamut atortussaminnik peqassapput aammalu eqqarsaatigalugit, uuliat, akuutissat, imeq makittarissaatitut atornerqarsimasoq aamma tankinik saliinermi errortuutikut, eqqarsaatigalugit.

7.6 Akisussaaneq

Umiarsuaatileqatigiiffiup akisussaaffigivai umiarsuup naalagaanit eqqagassat pillugit paatsuunganartumik amigartumilluunniit nalunaaruteqarnikkut kukkusumik isumaginnissinnaanerit aammalu ussiitsoornerit nammineq atortunik ajoqutilinnik peqarneq pequtigalugu pilersitaasut imaluunniit nammineq atortuinik tunniussinermi kukkusumik pisoqarnermik pilersitsisut.

Akisussaataaneq aamma pissaaq ajutoornernut, pingajuusumik eqquisunut.

7.7. Kiffartuunneqarnissamik noqqaanerit saaffiginninnerillu

7.7.2. Ulluinnarni eqqakkat nalinginnaasut

Containeri eqqaavik 600 l

Kr. 1.656/ataaseq

Igitassat angisuut

Aningaasartuutit+ 15 %

Piffissamik qimmuinerit aggersaanerillu, tak. pkt. 6.1 aamma avataanit sullissisut akigititaat.

7.7.3. Uuliakut, akuutissat il.il.

Uuliakut dunkiniittut

Kr. 7,18 literimut

Uuliap sinneri/milluagassat

Aningaasartuutit+ 15 %

Nappartat

Aningaasartuutit+ 15 %

Akuutissat

Aningaasartuut + 15 %

Piffissamik qimmuinerit aggersaanerillu, tak. pkt. 6.1 aamma avataanit sullissisut akigititaat.

7.7.4. Kuutsitsinermi imeq atorsimasaq

Millussissutit

Aningaasartuutit + 15 %

Piffissamik qimmuinerit aggersaanerillu, tak. pkt. 6.1 aamma avataanit sullissisut akigititaat.

7.7.5. Lastimit sinnikut

Lastbiilit, milluaatit, sulisut, igitsiartornerit

Aningaasartuutit + 15 %

Piffissamik qimmuinerit, aggersaanerit aamma avataanit sullissisut akigititaat.

8. INISSIIVISSANIK ATTARTORTITSINEQ AAMMALU ASSARTUKKANIK INISSIIGALLARNERIT IL.IL.

8.1. Aalajangersakkat tamanut atuuttut

Assartukkanik inissiigallarnarit il.il. umiarsualivimmit innersuussineq naapertorlugu pisarput.

Assartukkanik inissiigallarnermi pineqartut suuneri, annertussusii imaassinnaavorlu imarisaasut ulorianasusiat nalunaarutigineqassaaq. Aamma pineqartut kimit pigineqarnerat nalunaarutigineqassaaq.

Sikuki Nuuk Harbour A/S assartukkanut akisussaaffimmik tigusissanngilaq, aamma containerit, maskiinat atortussallu, umiarsualivimmi inissiiviusinnaasunut inissinneqartut eqqarsaatigalugit. Sikuki Nuuk Harbour A/S aamma akisussaaffimmik tigusissanngilaq pineqartillugit aseruinerit inissinneqartunik pingajuusumit aseruinerit tunngasut.

Qeqertani nunaminertat RAL-imit attartorneqarsimasut pillugit atuisinnaaneq RAL-imiippoq.

Umiarsualiviup nunaminertaani allani attartortinneqarsinnaasuni Sikuki oqartussaavoq. Sikuki Nuuk Harbour A/S umiarsualiveqarfimmut susassaartunik salliutitsinnaavoq, soorlu makku eqqarsaatigalugit:

- Suliffeqarfik, nassiussanik tulattarfik qulaallugu isumagineqartariaqartunik pingaernerutilugu suliaqartoq.
- Suliffeqarfik, suliassanik isumaginninnissani pillugu umiarsualivimmiittariaqartoq.
- Suliffeqarfik suliaqarnermigut umiarsualivimmiittariaqarnera pissusissamisoortoq, soorlu aalisarnermik ingerlataqarnermigut, imarsionermik suliaqarnermigut, imaatigut nassiussalinerinermik, allatigulluunniit umiarsualiveqarnermut attuumassuteqartumik suliaqartoq.

8.2. Assartukkanik nunaminertanut inissiinerit

Assartukkat, kingusinnerusukkut umiarsuarmut allamut usilersuutigineqarnissaat pillugu akiliilluni nunaminertamut sumiiffimmut isumaqatigiissutigineqarsimasumut inissikkallarneqarnissaapput. Sikuki Nuuk Harbour A/S taamaattunut immikkut inissiivissaqartitsivoq.

8.3. Attartortitsineri nunaminertanullu inissiigallarnermi il.il. immikkut piunasaqaatit

Assartukkat nunaminertamut inissitaasut ilisarnaasersorneqassapput, piginnittup kinaanera, taaguuserneqarlutik aammalu inissiineri ulloq, allallugit.

Assartukkat piffissaligaasumik isumaqatigiissuteqarneq tunngavigalugu inissisimatinneqarsinnaapput, isumaqatigiissutaasup kingorna piigassanngorlugit. Piffissaliussaq malinneqarani qaangerneqarpat umiarsualivik pisinnaatitaavoq taakku piginnittumut akiligassanngortinneqartumik piissallugit allamulluunniit nuussallugit, piginnittup akisussaaffigisaanik.

Sissiukkami eqqaanilu oqimaappallaanik inissiisoqassanngilaq. Oqimaassutsit ataani allassimasutut killiler-sugaapput:

A. Umiarsualivik nutaaq / Containerinik ilioqqaavik	10 ton/m ²
B. Containerinik tikerartitsivik/aallarartitsivik	5 ton/m ²
C. Umiarsualivitoqaaq	2 ton/m ²
D. Trawlerkaj	1,5 ton/m ²
E. Kutterkaj	0,3 ton/ m ²
F. Tulattarfiit allat	2 ton/m ²

Tulattarfiup sinaanut minnerpaamik 5 meterisut avasitsigisumut inissiinerit biilinilluunniit unikkallarnerit pissapput.

Assartukkanut poortusersugaanngitsunut, pujoralammik navialisitsissutaasinnaasunik inissiinerit, immik-kut sakkortusisanik malittarisassaqartinneqarput:

- A. Taaneqartutut ittut usingiaaneq naammassineqarniariarpat peerneqassapput. Usilersornermi taaneqartutut ittut siusinnerpaamik usilersuinissap pinissaa akunnernik 48-nik sioqutsilluni inissineqassapput.
- B. Assartugaasat poortugaanngitsut akunnerit 48-it pineqartut qaangerlugit inissisimatinneqarpata, umiarsualiviup piumasarisinnaavaa taamaattut døgn-imut ataasiarluni imermik serpalittarneqasasut usisassanut atatillugu akisussaasumut akiligassanngortitsissutaasumik, tamannalu pisassaaq umiarsualiviup pisariaqartitsinermi naliliinera tunngavigalugu.
- C. Usingiaanerup usilersuinerullu nalaani anorlerluartillugu, umiarsualivik naliliippat pujoralatsitsineq suliffeqarfinnut qanigisamiittunut ajoqusersuutaasinnaasoq, taava imermik serpalittaaneq aallartinneqassaaq.
- D. Sila atoruminaatsillugu umiarsualivik usilersuinermik usingiaanermilluunniit unitsitsigallarqqusisinnaavoq.

8.4. Nunaminertanik inissiiviusinnaasunik attartortitsineq

Sikuki Nuuk Harbour A/S nunaminertanik inissiigallarfitut attartortissinnaasaani atuinermi akit imaattut atuupput:

Sivikitsumik attartorneq	Pr m2/sap. akunneranut	Kr. 5,52 (qaammatit 6-it ataakkaanni)
Sivisuumik attartorneq	Pr. m2/qaammammut	Kr. 16,56 (qaammatit 6-it sinneraanni)
Naaralaartitsivimmi	Pr. m2/qaammammut (min. 20x20 m)	Kr. 11,04

Qulaani akit nalunaarutigineqartut iluini ipput nunaminertat taakkunungalugu isersinnaanerit. Attartukkat tamaasa immikkut isumaqatigiissusiorfigineqassapput.

Aalajangersimasumik attartortut, soorlu RAL-ip containereqarfiani nutaami, attartortitsinerminni akigititaat Sikuki Nuuk Harbour A/S-ip susassaqarfiginngilai.

Attartortitsinermi piumasaqaatit

Nunaminertamik attartortup nunaminertaq ataqqinnilluni naapertuuttumik saligaatsuutissavaa. Attartortoq aamma akisussaaqataavoq nunaminertami attartukkamini mingutsitsisoqarsimappat saliinissamut. Nunaminertaq attartugaq tamatigut torertuutinneqassaaq. Attartortitsisup saliisoqarnissaanik piumasaqaatai malinneqassapput.

Illuatungeriit arlaata attartortitsinermi piumasaqaatit misinnartumik unioqqutippagit, ulluni arfineq marlunni siumoortumik nalunaaruteqareernikkut attartortitsinermi isumaqatigiissut ingerlaannartumik atuutilersumik attartortitsisoq atorunnaarsitsisinnaavoq.

Attartortitsisup tungaaniit attartortitsinermi piumasaqaatit misinnartumik unioqqutinneqarsimassapput attartortup attartornerminut akiliutissaminik piffissaq eqqorlugu akiliisimangippat, pisortanit akuersisummik peqartoqangippat, attartukkamik torersuutitsisoqangippat, attartortitsisumiit piumasaqaataasut malinneqangippata, kiisalu nunaminertamik attartornermi siunertarineqaqqaartumik allaanerusumik atuisoqarpat.

Piumasaqaatit allat attartornermi isumaqatigiissummiipput.

9. INISSIIVISSIANIK NUNAMINERTANIK SALINEQ

9.1. Nunaminertanik saliineq

Niusanik piginnittoq umiarsuarmulluunniit sinniisuutitaasoq isumannaarinnittussaavoq, usilersuineq/usin-giaaneq naammassineqarniariarpat, sissiukkami nunaminertaq atugaq salillugu imaajassallugu, tamanna umiarsuarmut allamut atoriaannangorlugu.

Pisariaqartinneqarpat, usissanik piginnittoq, sinniisaasorluunniit, sioqqutsisumik Sikuki-mut saliinissamut pif-fissaliussap kinguartissinnaanera pillugu saaffiginnissinnaavoq, allannguutissamik isumaqatigiissuteqarfigiumallugu.

9.2. Akisussaaffik

Usissanik/assartugassanik piginnittoq sinniisorisaasorluunniit saliinissamut akisussaatitaavoq, tamatumun-galu atatillugu, aningaasartuutaasusanullu akisussaatitaallunnitaaq aammalu eqqarsaatigalugit eqqaavit-tut akuerisaasunut inissiinerit Kommuneqarfik Sermersuup eqqagassanut malittarisassai naapertorlugit.

9.3. Nakkutillineq

Umiarsualiviup nakkutigissavai qulaani malittarisassatut allanneqarsimasut malinneqarnissaat.

Sila atoruminaalluinnartillugu, taamalu pilersaarutaasutut umiarsualiviup naliliineratigut usilersuillunilu usingiaasoqarsinnaatinnagu unitsitsigallartoqassaaq, taamaliorneq suliffeqarfinnut qanittumiittunut akornutaasinnaappat.

10. AKISUSSAAFFIK AKISUSSAANERMULLU KILLILIUSSAQ

Sikuki Nuuk Harbour A/S assartukkanik isumagisaqartuunngimmat, inissiinerit assigisaalu nammineq akisussaaffigisamik ingerlanneqartassapput.

Assartukkanik isumaginninnermut atatillugu ajoqusiinerit aamma Sikuki Nuuk Harbour-ip susassaqarfingngilai.

Umiarsuit Nuup umiarsualivianut tulattut akisussaapput, umiarsuup pilersuisuataluunniit umiarsualivimmi innarliinerinut, soorlu umiarsualiviup saviminertai, umiarsualiviup iigartai, sinaakkutaa, pituttarfiit, qaller-saataa, napparutit, sanaartukkat atortulersuutaalu eqqarsaatigalugit.